

De transferendis pensionibus Ecclesiasticis, & condendis testamentis, aliisque ultimis dispositionibus in Urbe, ac ejus districtu tempore suspensionis pestis.

ALEXANDER PAPA VII.

Ad futuram rei memoriam.

Exordium. IN supremo justitiae throno per ineffabilem divinam bonitatis abundantiam constituti rationi consentaneum reputamus, ut Juris communis, Statutorumque rigorem moderemur, & particularium indultorum solemnitates relaxemus, prout rerum, & temporum conditione perpensa in Domino censemus expedire.

§.1. Cum itaque in praesenti pestis suspitione nonnullis in hac Alma Urbe nostra, ejusque districtu degentibus personis formam in indultis transferendi pensiones annuas, quas super fructibus, redditibus, & proventus Ecclesiasticis, etiam distributionibus quotidianis reservatas obtinent, eis a Sede Apostolica, seu alias canonice concessis, pro translatione hujusmodi praescriptam, necnon ordinatam de jure civili, ac per Statuta ejusdem Urbis, aliorumque locorum ejusdem districtus, eorumque reformationes, & novae additiones, pro testamentis condendis solemnitate servare difficile sit, seu in posterum forsitan difficile sit futurum.

Motiva. §.2. Nos illorum commodis pro paterno nostro in eos affectu consulere cupientes, ac omnium, & singulorum indultorum, necnon Statutorum, & reformationum, novarumque additionum hujusmodi tenores etiam veriores, & datas, ac alia etiam speciali expressione digna praesentibus pro plene, & sufficienter expressis, & verbatim insertis habentes, Motu proprio, non ad cuiusquam Nobis super hoc oblata petitionis instantiam, sed ex certa scientia, & matura deliberatione nostris, deque apostolicae potestatis plenitudine, ut quicumque in Urbe, ejusque districtu praedictis degentes indulta transferendi pensiones supradictas, ut praemittitur, obtinentes, easdem pensiones coram Sacerdote etiam regulari, ac etiam familiari, loco Notarii publici, & duobus testibus, etiam in favorem ipsius Sacerdotis, dummodo eo casu tertius testis adhibeatur, vel scriptura translationis a transferente subscribatur; servata in caeteris eorundem indultorum eis respective concessorum forma, & dispositione, transferre libere, licite, & valide possint, & valeant, ea lege tamen, ut duplicatum scripturae translationis hujusmodi intra octo dies abinde proximos ad Archivium Urbanum deferatur, alioquin translatio nulla sit eo ipso, tenore praesentium concedimus, & indulgemus.

§.3. Praeterea ut in testamentis, & quibuscumque aliis ultimis voluntatibus, & dispositionibus, quae deinceps in eisdem Ur-

be, ejusque districtu etiam a caeteris fient, formam Constitutionis fel. rec. Alexandri Papae III. Praedecessoris nostri, quae incipit Cum esset, servari sufficiat, ita quod loco Parochi, seu proprii Presbyteri adhiberi testamentis, aliarumque dispositionum ultimarum factioni possit ipsius testantis, seu disponentis Confessarius etiam regularis, etiam quem testans, seu disponens nunquam nisi in infirmitate, qua tunc laborat, confessionis causa accersiverit, vel adierit; aut loco Parochi, & Presbyteri, vel Confessarii duo alii testes: utque ipsa testamenta, aliaeque ultimae voluntates, & dispositiones praedictae cum omnibus, & singulis in illis quomodolibet contentis sic in posterum facta, firma, valida, & efficacia existant, suosque plenarios, & integros effectus perpetuo habere debeant in omnibus, & per omnia, per inde ac si in illis requisita, seu praescripta a Jure civili, & memoratis statutis, eorumque reformationibus, & novis additionibus forma, & solemnitas plene, & integre, nihil penitus omisso, servata fuisset, motu, scientia, deliberatione, potestatis plenitudine, & tenore praedictis statuimus, decernimus, & ordinamus.

§.4. Caeterum praesentes literas quoad translationes pensionum, & testamenta, aliaque ultimas voluntates, & dispositiones, quae donec Urbis praedictae Tribunalia, quae nunc jussu nostro clausa reperiuntur, simili jussu plene, & in totum aperta fuerint, ac per decem dies immediate sequentes respective fient, dumtaxat effectum obtinere volumus, & statuimus itidem, & declaramus.

§.5. Decernentes pariter easdem praesentes, & in eis contenta quaecumque, etiam ex eo quod quicumque etiam speciali nota, & expressione digni, etiam Episcopali Archiepiscopali Cardinalitia, aut alia qualibet Ecclesiastica, vel mundana dignitate praediti, & fulgentes, in praemissis interesse habentes, seu habere quomodolibet praetendentes illis non consenserint, aut ad ea vocati, & auditi, seu causa propter quas ipse praesentes emanarunt, adducta, verificata, aut justificata nullatenus fuerint, aut ex alia quacumque, quantumvis juridica, pia, legitima, & privilegiata causa, praetextu, colore, & capite, etiam in corpore juris clauso, etiam enormis, enormissimae, & totalis laesionis nullo unquam tempore de subreptionis, vel obreptionis vitio, aut intentionis nostrae, vel interesse habentium consensus, seu, alio quolibet quantumvis magno, substantiali, & inexcogitabili defectu notari, impugnari, invalidari, restringi, rtractari, ad viam, seu terminos Juris reduci, aut adversus illas restitutionis in integrum, aperiitionis oris, aut aliud quodcumque juris, facti, vel gratiae remedium impetrari, aut impetrato, vel etiam motu, scientia, deliberatione, & potestatis plenitudine partibus concessio quempiam in iudicio, vel extra illud uti, seu se juvare posse, sed ipsas praesentes

Præsentis effectum obtinere decem ab aperiitione Tribunalium dies decernit.

Decretum irritans.

sentis firmas, validas, & efficaces existere, & fore, ac illis, ad quos spectat, & pro tempore spectabit, plenissime suffragari.

§.6. Sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, & S.R.E. Cardinales, etiam de latere Legatos, necnon quoscumque districtae Urbis, ejusque districtus, ac Camerae nostrae Apostolicae Judices, & Officiales, ac Ministros, & alios quoslibet quavis auctoritate, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definituri debere, ac irritum, & inane, si secus super his a quocumque quavis auctoritate scienter, vel ignoranter contigerit attentari.

Contraria revocant.

§.7. Non obstantibus praemissis, ac quatenus opus sit, de non tollendo jure quaesito, & quod Cardinales non comprehendantur in Constitutionibus faciendis, aliisque nostris, & Cancellaria Apostolicae regulis, ac rec. mem. Pii Papae IV. de gratis qualescumque interesse districtae Camerae contentibus in ea praesentandis, & registrandis, itaut praesentes inibi praesentari, & registrari nunquam necesse sit, & aliis Constitutionibus, & Ordinationibus Apostolicis, etiam Conciliaribus, generalibus, vel specialibus, necnon legibus etiam Imperialibus, & municipalibus, ac Urbis praedictae, & aliis quibusvis, etiam juramento, confirmatione apostolica, vel alia quavis firmitate roboratis statutis, eorumque reformationibus, & novis additionibus, stylicis, usibus, & consuetudinibus, etiam immemorabilibus, privilegiis quoque, indultis, & Literis Apostolicis sub quibuscumque verborum formis, ac cum quibusvis etiam derogatoriis derogatoriis, aliisque efficacioribus, & insolitis clausulis, & decretis, etiam irritantibus, in genere, vel in specie, etiam motu, scientia, deliberatione, & potestatis plenitudine similibus, etiam consistorialiter, & aliis quomodolibet in contrarium praemissorum concessis, confirmatis, & pluribus innovatis. Quibus omnibus, & singulis, etiam si pro sufficienti eorum derogatione, de illis, eorumque totis tenoribus specialibus, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio, aut alia exquisita forma ad hoc servanda foret, illorum omnium, & singulorum tenores, formas, & occasionem praesentibus pro plene, & sufficienter expressis, insertis, & servatis respective habentes, illis alias in suo robore permanentibus, ad praemissorum effectum, specialiter, & expresse derogamus, ac derogatum esse volumus, caeterisque contrariis quibuscumque.

Trinsumptuosum fides.

§.8. Volumus autem, ut praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae, munitis eadem prorsus fides in iudicio, & extra

Bull. Rom. Tom. VI. Par. IV.

tra illud ubique adhibeatur, quae ipsis praesentibus adhiberetur, si forent exhibitae, vel ostensa.

Datum Romae apud S. Mariam Majorum, sub Annulo Piscatoris, die 18. Sept. 1656. Pontificatus nostri Anno II.

Dat. die 18. Sept. 1656. An. II.

CXXX.

Confirmatio Congregationis de Propaganda Fide super litibus inter Clerum secularem Hollandiae, & Missionarios suscitatis emanatorum.

Ex Regest. in Sacris. Brevis.

ALEXANDER PAPA VII.

Ad futuram rei memoriam.

§.1. UDUM a felicis recordat. Urbano Papa VIII. Praedecessore nostro emanarunt Literae in simili forma Brevis, tenoris sequentis, videlicet: Urbanus Papa VIII. ad futuram rei memoriam. Salvatoris, & Domini Nostri, qui charitas est, & Deus pacis, vices licet immeriti gerentes in terris, inter gravissimas, multiplicisque apostolicae servitutis curas, illam peculiari sollicitudine amplectimur, ut personae ecclesiasticae, & praesertim sub suavi religionis iugo virtutum Domino famulantes, sublatis quibuslibet controversiis, in sanctitate, & justitia reddant Domino abundantes fructus suos, & haec quae propterea facta fuisse dicuntur, ut ab omnibus inviolabiliter observentur, validioreque firmitate subsistant, apostolicae confirmationis robore libenter communimus, prout personarum, rerumque, & temporum qualitatibus debite pensatis conspiciamus in Domino salubriter expedire. Exponi siquidem Nobis nuper fecerunt Venerabilis Frater Philippus Archiepiscopus Philippensis Vicarius Apostolicus in nonnullis Belgii Provinciis, necnon dilecti filii Clerus ibidem, ac Presbyteri Societatis Jesu, & alii Regulares in illis partibus Missionarii, quod alias a Venerabilibus Fratribus nostris Sanctae Romanae Ecclesiae Cardinalibus negotio Propagandae in universum mundum fidei praepositis, emanavit Decretum tenoris subsequens, videlicet:

Supplicatio & Constitutio Congr. de Prop. Fide super litiibus inter Clerum &c.

Resolutio dubiorum, & difficultatum, quae a Vicario Apostolico Hollandiae Sacrae Congregationis de Propaganda Fide proposita sunt.

Primo. Circa Regulares, & Patres Societatis Jesu definitum est, eos, qui deinceps in illis Partibus vice Pastorum cum reliquis Sacerdotibus secularibus voluerint laborare, quoad Sacramentorum Pastoralium nimirum Baptismi, Matrimonii, & extremae Unctionis administrationem, subesse debere Vicario Apostolico specialiter delegato Sedis Apostolicae, cujus ordinationi in functionibus Pastoralibus se ac-

S 2 como-

comodabunt presenti modo, & forma.
In primis Vicarius illos Regulares, & Patres Societatis Jesu, qui hoc tempore laborant in Hollandia, & Provinciis ipsi commissis, in eisdem locis relinquet, itaut simul cum Sacerdotibus secularibus Sacramenta Pastoralia administrare possint, sine aliqua restrictione ad casus necessitatis, vel dependentia ab illis, sed æqualiter, & cum sola facultate ipsius Vicarii, ita etiam, ut Vicarius illis, qui nondum habent talem facultatem eam quamprimum impertiat, & iis, qui soli sunt, permittat ad convenientiam status Religiosi a Superioribus adungi Socium, cui, & presentato concedat similem facultatem administrandi Pastoralia, vel absolute, & indeterminate, vel saltem casu, quo alter egrotaret, vel legitime impeditur, & libere in Pagis vicinis, ubi major est necessitas.
Quod si circa hæc contingat oriri difficultatem, Nuncius post habitam informationem statuere quidnam agendum, & omnes stabunt iudicio ipsius.
Tertio. Annotantur autem pro explicatione hujus articuli ipsa Loca, in quibus jam sunt Regulares, & Patres Societatis.
Ultrajecti duo Patres Societatis, & unus Ordinis Sancti Dominici, cui (si Superiores volent) cum approbatione Vicarii adungi potest Socius.
Leida. Duo Ordinis S. Francisci de Observantia, duo Patres Societatis, & unus Ordinis Sancti Dominici, cui similiter adungi potest unus.
Delfis. Duo Patres Societatis.
Gouda. Unus Pater Societatis, cui quoque adungi potest Socius.
Hage Comitum. Unus Pater Societatis, cui similiter adungi potest Socius.
Roterodami. Unus Pater Societatis, cui similiter adungi potest Socius.
Schiedami unus Pater Ordinis S. Dominici, cui quoque adungi potest Socius.
Hanemi. Unus Sancti Dominici, unus Sancti Francisci de Observantia, unus Societatis, quibus singulis possunt adungi Socii, ut superius dictum est.
Amsterdami. Duo Ordinis Sancti Francisci de Observantia, unus Ordinis Sancti Dominici, & unus Societatis, & utriusque istorum potest adungi Socius.
Hornæ. Unus Pater Societatis cui potest adungi Socius.
Alemariæ. Duo Patres Societatis.
Middelburgi. Unus Pater Societatis, cui potest adungi Socius.
Friczæ. Unus Societatis, cui potest adungi Socius.
Les Wardiæ. Unus Societatis, unus Sancti Francisci de Observantia, quibus possunt adungi Socii.
Boswerdiæ. Unus Societatis, cui dari potest Socius.
Grovingæ. Unus Pater Ordinis Sancti Dominici, & unus Pater Societatis, quibus dari possunt Socii.
Insvorcum, & locis vicinis. Unus Pa-

ter Ordinis Sancti Francisci de Observantia, cui adungi potest Socius.
Campis. Unus Sancti Ordinis Dominici, & si recesserit, cui adungi potest Socius.
SWollæ. Unus Pater Societatis, & unus Sancti Dominici, quibus adungi possunt Socii.
Zutphanæ. Unus Pater Societatis cum Socio, et si recesserit propter persecutionem.
Quarto. Quodcumque Superiores Regularium, vel Patrum Societatis voluerint mutare aliquem suorum tenebunt id indicare Vicario, & si voluerint submittere alium, illum quoque illi, vel ejus subdelegato presentare, saltem per literas, cum descriptione qualitatum, si minus commode se sistere possint; neque debent sine evidenti necessitate loca deserere, sed tum statim Vicario cum causis significare, ut illis locis alia ratione providere possit.
Quinto. Quod si Vicarius expedire judicaverit aliquem, ex Regularibus, vel Patribus mutari, significabit hoc illorum Superioribus, ut advocetur, cum causis, quæ cum ad hoc movent. Et Superiores in eo faciles se præbeant. Quod si tamen inter eos conveniri non possit, penes Nuncium erit determinatio, qui simul curam habeat, & justitiæ administrationem, & auctoritatem Vicarii.
Sexto. Quod si plures Regulares, vel Patres Societatis ab ipsorum Superioribus in illas Provincias destinantur, illi se Vicario similiter, vel ejus subdelegato prius sistant, si commode fieri possit, sin minus saltem per literas Superioris, vel Provincialis, presentabunt Vicario, cum sufficienti descriptione qualitatum, qui ita constitutos, vel presentatos admittet pro necessitate illarum partium, & destinabit loca, quæ sibi in Domino videbuntur spiritali auxilio maxime indigere; in quibus tamen possint habere necessaria alimenta, idque sine ullo humano respectu, vel partialitate. Quod si tamen contingat, vel a Vicario negari, quod contendant Patres Societatis, vel Regulares debere sibi concedi, vel e contra a Vicario mandetur, quo se Regulares, vel dicti Patres Societatis gravatos putent, neque inter ipsos conveniri possit, recursum habebunt ad Nuncium, qui determinabit, & statuere quid cuique faciendum.
Septimo. Permittit etiam Vicarius Regularibus, & Patribus Societatis, si ipsorum Superiores petant, ut bini in singulis Civitatibus, Pagis, vel Oppidis, ad quæ ab ipso mittentur, vivere possint. Et si Vicario non videbitur expedire, ut ambo habeant facultatem administrandi Sacramenta Pastoralia, saltem concedat alteri casu, quo prior sit legitime impeditus neque impedit quo minus ambo reliqua Sacramenta administrare, & alia consuetamunia concionandi, confessiones audiendi, catechizandi, & alia similia obire possint.

Osta.

Ostavo. Omnes Regulares reverentiam, & respectum debitum exhibeant Vicario Apostolico, qui illos e contra paterno amore complectatur.
Nono. Si vero pro necessitate locorum facilis Vicarius in admittendis predictis Regularibus, & Patribus Societatis Jesu, ad effectum excurrere ad vicinos Pagos; ideoque plures, uti in Domino videbitur in illis Civitatibus, & Oppidis admittat, ex quibus facile ad Pagos excurrere possint, si in his commorandi non detur commoditas.
Decimo. Tenebuntur Regulares, & Patres Societatis singulis saltem annis docere Vicarium per Superiores suos, vel per literas proprias de statu, & profectu religionis illorum locorum, in quibus laborant, ut Vicario constet quid in Provinciis sibi commisis agatur.
Undecimo. Tenebuntur etiam Regulares, & Patres Societatis Vicario per se, vel Superiores suos, singulis saltem annis mittere nomina Baptizatorum, & Patrinorum, uti etiam nomina illorum, quos Matrimonio junxerint.
Duodecimo. Sit autem inter Sacerdotes seculares, & regulares, vel Patres Societatis, uti decet Dei ministros mutua charitas, in edificationem Corporis Christi; ut non solum vitentur jurgia, & scandala, sed caveantur etiam horum occasiones, uti esse solent mutui contemptus, publicæ objurgationes, oblocutiones, odiosæ comparationes, & horum similia.
Decimotertio. Nullus ex secularibus Sacerdotibus aliquem Regularium, neque aliquis Regularium aliquem Sacerdotum secularium in obsequiis muniis Ecclesiasticis, vel administrandis Sacramentis impediatur, sed pariter mutuo amore concurrant in salutem animarum procurandam.
Decimoquarto. Non abs re erit, ut Regulares, & Patres Societatis cum Sacerdotibus secularibus, & hi cum illis, quandoque conferant de occurrentibus necessitatibus circa administrationem Sacramentorum, alia salutem animarum concernentia.
Decimoquinto. Quod si nihilominus contingat inter Sacerdotes seculares, & Regulares, & Patres Societatis, oriri lites, & dissidia, quoad muniorum Pastoralium administrationem, prima instantia erit penes Vicarium, in reliquis si Regulares sint actores, similiter penes Vicarium, si vero rei, penes Nuncium, Vicarius autem pro officio suo laborabit quantum fieri poterit, ut lites, & dissidia vitentur, vel omnia meliori modo componantur, idemque etiam suos admonere teneantur Superiores Regulares, & Patres Societatis.
Decimosexto. Si Superiores Regularium, vel Patrum Societatis, velint aliquando mittere suos solummodo ad Conciones faciendas, confessiones audiendas, catechizandum, & similia munia obeunda præcipue si a Catholicis vocentur, vel pe-

tantur, qui propriis expensis alere velint, videtur hoc miseris illis Catholicis consolationi dandum, cum scitu tamen Vicarii, eoque magis, si a talibus peterentur, qui ruri in Castellis, vel Oppidis, morantur.
Decimosextimo. Quoad publicationem Indulgentiarum, poterunt Regulares, & Patres Societatis illas publicare, quas Ordines, & Societas habet, & hæcenus habuit ubique terrarum, vel in partibus Germaniæ, & Belgii in universum, & docto semel Vicario de facultatibus, neque Vicarius impediatur, vel interdicitur: Non autem poterunt publicare Indulgentias, quæ suis Ordinibus specialiter non sunt concessæ, nisi de expresso consensu Vicarii si tamen desuper oriatur difficultas, neque inter eos conveniri possit, Nuncius illam definit. In universalibus autem Indulgentiis, vel Jubilæis Vicarius mandabit illarum publicationem, æque Regularibus, & Patribus Societatis, atque Sacerdotibus secularibus.
Decimooctavo. Quoad institutionem fraternitatum, & sodalitatium, permittet Vicarius Regularibus, & Patribus Societatis illarum, quæ a Sede Apostolica approbatæ, & ab Ordinibus, & Patribus Societatis assignatæ sunt, ita tamen, ut nemo adstringatur, & teneatur ad particulares Confessarios, vel ad Sacramenta ab illo Ordine solum percipienda.
Decimonono. Quoad Eleemosynas, ne Catholicis in illis partibus alias per Adversarios satis gravati, per illarum nimis frequentes Collectas adhuc magis graventur, admonentur omnes tam seculares, quam Regulares, ne lucro temporali (quod a Ministris Misteriorum Dei quam longissime abesse debet) inhiant, sed contenti sustentatione contenti sint, ab exportatione etiam Eleemosynarum, quantum fieri poterit, abstinere, nisi forte pro alimentis Seminariis, quæ omnibus etiam Regularibus, & Patribus Societatis pro charitate ipsorum, & fructu, qui ex illis hæcenus provenit, & adhuc major speratur, maxime commendantur, sub his autem collectis Eleemosynarum non intelliguntur legata defunctorum, vel foundationes spontaneæ.
Vigesimo. Quod si etiam contingat aliquando, ut in suprascriptis inter Vicarium & Regularium, vel Patrum Societatis Superiores, conveniri non possit, erit similiter penes Nuncium Judicium.
Vigesimo primo. Non licebit Regularibus, vel Patribus Societatis exportare ornamenta, paramenta, indumenta, vasa, vel aliam quamcumque Ecclesiasticam suppellectilem Deo dicatam, & multo minus sacras reliquias.
Vigesimo secundo. Quo ad doctrinam, si quæ diversæ incidant opiniones, circa ea, quæ ab Ecclesia definita non sunt, jubet Congregatio, ut repositis altercationibus definitio ab hac Sancta Sede quamprimum petatur. Interim tamen omnes tam seculares, quam regulares, & Patres So-

Societatis, accommodabunt se Ordinationi Vicarii Apostolici.

Vigesimo tertio. Per hæc singularia, & particularia, quæ Nuncio committuntur, non limitetur, neque restringatur potestas ejusdem Nuncii, quam habet per facultates suas, in iisdem Provinciis commissis Vicario.

Hæc autem omnia ex Sanctissimi Domini Nostri mandato ordinata sunt, pro statu præsentis illarum partium, & quousque placuerit Altissimo, Catholicis liber exercitium Religionis in illis partibus concedere, vel Sedis Apostolicæ desuper aliter ordinare: Non obstantibus literis fel. rec. Pauli Papæ V. eidem Vicario Apostolico Hollandiæ concessis, quatenus præsentis decreto adversantur, aliisque Constitutionibus, Ordinationibus Apostolicis, privilegiis quoque, indultis, & Literis Apostolicis, etiam Maris Magni, vel aliis quomodolibet nuncupatis, quibuscumque personis regularibus cujuscvis Ordinis, Congregationis, & Instituti, etiam Societatis Jesu, & quarumcumque Militiarum, & Hospitalium, etiam Sancti Joannis Hierosolymitani, sub quibusvis tenoribus, & formis, ac cum quibusvis etiam derogatoriis, derogatoriis, aliisque efficacioribus, & insolitis clausulis, irritantibus, & aliis decretis in genere, vel in specie, etiam motu proprio, & consistorialiter, & aliter quomodolibet concessis, confirmatis, approbatis, & sæpius innovatis. Datum Romæ ex Congregatione de Propaganda Fide Kalendis Maii 1623.

§. 2. Cum autem (sicut eadem expositio subiungebat) ortis postea, inter Philippum Archiepiscopum, & Clerum, ex una, & Presbyteros ejusdem Societatis, & alios Regulares Missionarios præfatos ex altera partibus, ex præferto Decreto, nonnullis difficultatibus; Philippus, & Clerus præfati, ac Presbyteri dictæ Societatis, & alii Regulares Missionarii hujusmodi, auxilio, atque opera Venerabilium Fratrum Joannis Francisci Archiepiscopi Patracensis nostri, & Sedis Apostolicæ in Belgicis ditionibus Nuncii, necnon Jacobi Archiepiscopi Mechliniensis, ac Jacobi Ruræmundensis; Joannis Antuerpiensis, & Antonii Iprensis, Nicolai Buscoducensis, Antonii Gandanensis, & Dionysii Brugensis Episcoporum ad majorem Dei gloriam ad infra-scriptam devenerunt concordiam, videlicet.

Cum Sacra Congregatio de Propaganda Fide septima die Mensis Julii hujus anni, concessisset, ut super difficultatibus, ex decreto ejusdem Congregationis emanato Kalendis Maii anno 1623. exortis, inter Reverendissimum Dominum Philippum Rovenium Archiepiscopum Philippensem Vicarium Apostolicum in Hollandia, & Provinciis, quæ se federatas nominant, Clerumque ibidem ex una, & Patres Societatis, aliosque Regulares Missionarios ex altera partibus, & eadem partes de suis juribus Illustrissimum, & Reverendissimos

Dominos Archiepiscopum Mechliensem, atque Episcopos suffraganeos instruere possent, qui deinde consultatione inter se habita, sententias suas super prædictis difficultatibus ad Sacram Congreg. mittere possent, posteaquam tam præfatus Vicarius Apostolicus assistentibus sibi aliquibus ex dicto Clero, quam Reverendissimus Pater Florentinus de Montmorancis Provincialis Societatis Jesu per Flandro Belgicam, ejusdem Societatis nomine, pluribus diebus coram præfatis Archiepiscopo Mechlinensi, & Coepiscopis, super difficultatibus in hoc Oppido Bruxellensi egissent, tandem eadem partes, ad majorem Dei gloriam, hortari Illustrissimi, & Reverendissimi Domini Nuncii Apostolici per Belgium, & intercedentibus præfatis Archiepiscopo Mechlinensi, & Suffraganeis, sub beneplacito Sanctissimæ Sedis, concordarunt in articulos sequentes.

In primis quoad initium seu §. Primum ejusdem Decreti incipiente: *Circa Regulares &c.*, & §. Decimo quarto. Qui incipit: *Quod si nihilominus contingat &c.* Patres Societatis, qui deinceps in partibus Vicario Apostolico commissis, vice Pastorum cum reliquis Sacerdotibus Secularibus volent laborare, non tantum in administratione Sacramentorum, sed etiam in reliquis Vicario Apostolico, tanquam specialiter delegato Sedis Apostolicæ, in prima instantia suberunt, sive actores sint, sive rei in causa appellationis Nuncio Apostolico.

Circa §. Secundum dicti Decreti, qui incipit: *In primis Vicarius illos &c.* Cautum est, quoad potestatem solemnizandi Sacramentum Matrimonii, quod Pater Provincialis curabit, ut sui parcissime utatur ista facultate, & efficiet, R. P. Generalis idem præfiet.

Conventum est etiam, quod Patres Societatis non administrabunt Sacramenta Pastoralia Harlemi, propter contrariam consuetudinem illius loci.

Declarat quoque Pater Provincialis, quod Religiosi Societatis Jesu in hac missione existentes tenebuntur indifferenter subvenire ægrotis omnibus, etiam laborantibus morbis contagiosis, ad instar secularium Sacerdotum.

Quod attinet ad designationem locorum Missionis factam in §. Tertio dicti Decreti incipientis: *Annotantur autem &c.* Pater Provincialis Societatis Jesu declarat, quod non utetur facultate sibi concessa per dictam Congregationem Cardinalium quoad missionem socii in Oppidis Gouda, Rotterdamo, Alcmara, Zutphania, Bolswardia, neque in aliis locis non nominatis in Decreto Sacre Congregationis, nisi consultum judicet Reverendissimus Vicarius, qui si non rationabiliter hoc recusaret, consulatur Illustrissimus Dominus Nuncius, qui sufficienti informatione prævia, statuet quod sibi videbitur in Domino.

Circa §. Quartum dicti Decreti, qui inci-

Incipit: *Quandocumque Superiores &c.* Licetbit Superiori Missionis Societatis, sine recurso ad Vicarium, in locis, ubi unicus et Societas residebit, eo ægrotante, vel ad tempus impedito, aut absente, ex unico loco Missionis alium substituere, donec æger, vel abiens, ad functionem redierit.

Ad §. Undecimum Decreti, qui incipit: *Tenebuntur etiam &c.* Concordatum est, quod nomina eorum, quos Pater Societatis baptizabunt, una cum nominibus Patrinorum, ac Parentum quotannis, aut sæpius si videbitur expedire, tradent ei, qui ordinariam Pastorem curam gerit, similiter nomina eorum, quos Matrimonio jungent, & testium, qui præfentes fuerint.

Ad §. Decimum sextum, qui incipit: *Si Superiores regularium, vel Societatis &c.* Concordatum est Missiones hoc §. memoratas ad loca, ubi aliquis Sacerdos residet non fieri, nisi de scitu, & assensu ejusdem Sacerdotis, & Vicarii.

Quoad eleemosynas attinet, de quibus agit §. Decimo nono Decreti, qui incipit: *Quoad eleemosynas &c.* Omnes tam regulares, quam seculares contenti sint honesta sustentatione, exportatione vero eleemosynarum abstinere tenebuntur absque licentia Illustrissimi Domini Nuncii, & Vicarii Apostolici, nisi pro alendis Seminaribus. Sub his autem collectis eleemosynarum non intelliguntur legata Defunctorum, vel fundationes spontaneæ.

Quicquid in his articulis non comprehenditur remanebit in terminis decreti dictæ Sacre Congregationis. Actum, Bruxellæ die 15. Octobris anni 1624.

Nobis propterea tam Philippus Archiepiscopus, & Clerus, quam Presbyteri dictæ Societatis, & alii regulares Missionarii præfati humiliter supplicari fecerunt, ut concordiam prædictam, pro inviolabili illius observatione, apostolica confirmationis patrocinio communire, de benignitate apostolica dignaremur. Nos igitur Philippum Archiepiscopum, & Clerum, necnon Presbyteros ejusdem Societatis, & regulares Missionarios hujusmodi, specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdictionis, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, de eorumdem Cardinalium consilio, concordiam prædictam cum omnibus, & singulis in ea contentis, Apostolica auctoritate, tenore præsentium approbamus, & confirmamus, illique inviolabilis apostolicæ firmitatis robur adiciamus, ac omnes, & singulos, tam juris, quam facti, & quovis alios etiam quantumvis substantiales defectus, si qui desuper quomodolibet intervenerint, aut intervenisse

dici, vel censeferi possint, supplemus. Mandantes propterea in virtute sancte obedientiæ, ac sub indignationis, & aliis arbitrii nostri pœnis, dilectis filiis modernis, & pro tempore existentibus Fratrum Prædicatorum Magistro, ac Minorum S. Francisci de Observantia nuncupatorum Ministro, necnon dictæ Societatis Præposito Generalibus, ut concordiam prædictam cum omnibus, & singulis in ea contentis, a suis respective Religiosis, quos in illis partibus habent, & pro tempore habuerint Missionarios, inviolabiliter observari curent, & faciant. Ac decernentes præfentes Literas, omniaque, & singula in eis contenta valida, firma, & efficaciter esse, & fore, suosque plenarios, & integros effectus sortiri, & obtinere; Sicque, & non aliter, per quoscumque Judices ordinarios, & delegatos, etiam causarum Palatii Apostolici Auditores judicari, & deserviri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. Quocirca eidem Joanni Francisco Archiepiscopo moderno, & pro tempore existentis in dictis ditionibus Nuncio per præfentes committimus, & mandamus, quatenus ipse per se, vel alium, seu alios præfentes Literas, & in eis contenta quæcumque, ubi, & quando opus fuerit, ac quoties pro parte Philippi Archiepiscopi moderni, & similiter pro tempore existentis in dictis partibus Vicarii Apostolici, & Cleri, seu Presbyterorum, & aliorum regularium hujusmodi, vel alicujus eorum fuerit requisitus solemniter publicans, eisque in præmissis efficacis defensionis præsidio assistens, faciat auctoritate nostra concordiam prædictam, cum omnibus in ea contentis, ab omnibus ad quos spectat, inviolabiliter observari; Contradictores quoslibet, & rebelles per censuras ecclesiasticas, aliaque opportuna juris, & facti remedia, appellatione postposita compescendo, legitimisque super his habendis servatis processibus censuras, & pœnas, etiam iteratibus vicibus aggravando, invocato etiam ad hoc, si opus fuerit, auxilio brachii secularis. Non obstantibus quatenus opus sit, felic. recordat. Bonifacii PP. VIII. Prædeces. nostri de una, & in Concilio generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, ac Ordinibus, & Societatis hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis eorum tenores præfentibus pro plene, & sufficienter expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Omnia ad tollenda lites premissa decreta approbat. & confirmat.

Datum Romae apud S.M.M., sub Annulo Piscatoris die 5. Maii 1626. Pontificatus nostri Anno III.

§. 2. Cum autem, quae ad tollendas diffensiones, & lites inter Clerum secularem Hollandiae ex una, & Religiosos Missionarios, eorumque Superiores ex altera partibus exortas a praefata Congregatione negotio Propagandae Fidei praeposita, ut praemittitur, Decreta, & ab eodem Praedecessore approbata, & confirmata, ac mandata, & ordinata respective fuerunt conservanda inter easdem partes tranquillitati etiam posthac plurimum conducibilis fore in Domino speremus. Hinc est, quod Nos, qui pro pastoralis officii nostri debito in id omni studio jugiter incumbimus, ut Christifideles cura nostra divinitus commissi, praesertim ecclesiasticis ministeriis mancipati, solliciti fervent unioem in vinculo pacis; firmiori praemissorum robori, & observationi consulere cupientes, motu proprio, non ad cuiusquam Nobis super hoc oblata petitionis instantiam, sed ex certa scientia, & matura deliberatione nostris, deque apostolica potestatis plenitudine, ad omnem meliorem finem, & effectum omnia, & singula ad tollendas diffensiones, & lites huiusmodi per eandem Congregationem negotio Propagandae Fidei praepositam decreta, ac a praedicto Urbano Praedecessore confirmata, & approbata, ac mandata, & ordinata respective, quae quidem in praesertis literis continentur, apostolica auctoritate tenore praesentium confirmamus, & approbamus, illisque inviolabilis apostolicae firmitatis robor adiuicimus, ac omnes, & singulos juris, & facti defectus, si qui desuper quomodolibet intervenerint, supplemus.

Praedicta decreta observari mandata.

§. 3. Praeterea, ut illa in posterum absque ulla exceptione, & sine tergiversatione executioni omnimode demandentur, ac uti Apostolicae Constitutiones ab omnibus, & singulis ecclesiasticis tam saecularibus, quam regularibus punctualiter observentur sub privationis officii, ac excommunicationis latae sententiae, a qua nemo, nisi a Nobis, & Romano Pontifice pro tempore existente, praeterquam in mortis articulo constitutus absolvi valeat, necnon privationis vocis activae, & passivae, si transgrediens fuerit regularis, vel religiosus cuiuscumque Ordinis, & Congregationis etiam Societatis Jesu poena, motu, scientia deliberatione, & potestatis plenitudine praedictis decernimus, & statuimus.

Decretum irritans.

§. 4. Decernentes pariter easdem praesentes literas, etiam ex eo, quod quicumque etiam Episcopali, aut Archiepiscopali, seu alia qualibet Ecclesiastica, vel mundana dignitate praediti, aut alias speciali expressione digni in praemissis interesse quomodolibet habentes, seu habere praetendentes illis non consenserint, aut ad praemissa vocati, & auditi, seu causae, propter quas ipsae praesentes emanarunt adductae, aut verificatae nullatenus fuerint, sive ex alia quacumque quantumvis juridica, &

privilegiata causa, colore, praetextu, & capite, etiam enormis, & enormissimae, & totalis laesionis, nullo unquam tempore de subreptionis, vel obreptionis vitio, aut intentionis nostrae, seu interesse habentium, consensus, aut alio etiam substantiali defectu impugnari, invalidari, retractari, in jus, vel controversiam revocari, ad viam, seu terminos juris reduci, aut adversus illas quodcumque juris, facti, vel gratiae remedium impetrari, vel impetrato, aut etiam motu simili concessio quempiam in iudicio, seu extra illud uti, seu se iurare posse, sed ipsas praesentes firmas, validas, & efficaces existere, & fore, ac ab illis, ad quos spectat, & pro tempore spectabit inviolabiliter observari; Sicque, & non aliter in praemissis per quoscumque Iudices ordinarios, & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos, & Apostolicae Sedis Nuncios, & alios quavis auctoritate, & potestate fungentes, & functionarios, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Contraria refellit.

§. 5. Non obstantibus quatenus opus sit nostra, & Cancellariae Apostolicae regulae non tollendo iure quaesito, ac omnibus, & singulis, quae in praesertis literis concessa sunt non obtare; privilegii quoque, indultis, & Literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, ac aliis efficacioribus, & insolitis clausulis, & decretis etiam irritantibus in genere, vel in specie, etiam motu scientia, deliberatione, & potestatis plenitudine paribus, ac consistorialiter, & aliis quomodolibet concessis, confirmatis, & pluries innovatis. Quibus omnibus, & singulis etiam si pro sufficienti eorum derogatione de illis eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quavis alia expressio habenda, atque alia exquisita forma ad hoc servanda foret, illorum omnium, & singulorum formas, tenores, & occasiones praesentibus pro plene, & sufficienter servatis, expressis, & insertis respective habentes, illis alias in suo robore permansuris, ad praemissorum effectum, specialiter, & expresse derogamus, ac derogatum esse volumus, ceterisque contrariis quibuscumque.

Datum Romae apud S. Mariam Majorem sub Annulo Piscatoris, die 20. Sept. 1656. Pont. nostri Anno II.

Dat. die 20. Sep. 1656. An. II.

Depu-

Ex Regest. in Secret. Breu.

Deputatio Internuncii Belgii in Executorem Literarum Innocentii X. super definitione, quinquae propositionum in materia Fidei occasione impressionis libri Cornelii Jansenii.

Dilecto filio Hieronymo Abbati Sanctae Mariae Montis Regalis.

ALEXANDER PAPA VII.

Dilecti filii salutem, & apostolicam benedictionem.

Motiva huius Concl.

§. 1. Quamvis in literis fere Innocentii Papae X. Praedecessoris nostri sub dat. pridie Kalen. Junii Anni Incarnationis Dominicae 1653. sub plumbo editis, per quas occasione impressionis libri, cui titulus Augustinus Cornelii Jansenii Episcopi Ipren. quinque propositiones in materia Fidei tanquam haereticas damnavit, deputati fuerint Executores earumdem literarum Patriarchae, Archiepiscopi, Episcopi, alique locorum Ordinarii, necnon haereticae pravitatis inquisitores; attamen quia ad aures nostras pervenit, nonnullos ex praedictis Praesulibus Executoribus, ut praefertur, deputatis non parum esse negligentes in demandandis debite executioni eisdem literis, castigandoque illarum transgressores, idque praesertim in aliquibus Provinciis intra fines istius Nunciaturae Apostolicae Belgii.

Amplam Internuncii facultatem elargiunt.

§. 2. Idcirco ne literae praefatae, & voluntas dicti Innocentii Praedecessoris cum obsequio Divini, & Catholicae Religionis detrimento istic suo frustrentur effectu, pro pastoralis nostra sollicitudine provide volentes, motu proprio, ac ex certa scientia nostra Tibi, quem ad exercendum contentiosam jurisdictionem ejusdem Nunciaturae deputavimus, per praesentes committimus, & mandamus, ut nedum in defectu, seu in eventu negligentiae praedictorum Executorum, aut alicujus eorum sed aeque principaliter, & perinde ac si tu speciatim in eisdem literis una cum aliis illarum Executorum nominatus, & deputatus fuisses in id sedulo incumbas, ut in quocumque loco sub jurisdictione dictae Nunciaturae comprehenso literae praefatae cum omnibus, & singulis contentis in illis debite executioni demandentur, & illarum transgressores poenis, & censuris in eisdem literis contentis puniantur, invocato etiam quatenus opus fuerit, auxilio brachii secularis. Super quibus Nos tibi plenam, & liberam, ac amplam, & necessariam quomodolibet, & opportunam concedimus facultatem.

Contraria refellit.

§. 3. Non obstantibus rec. mem. Bonifacii Papae VIII. Praedecessoris pariter nostri de una, & Concilii Generalis de duabus dietis, aliisque Constitutionibus, & Ordinationibus Apostolicis, etiam Conciliaribus, necnon quibusvis, etiam jurata Bull. Rom. Tom. VI. Par. IV.

mento, confirmatione Apostolica, vel quavis firmitate alia roboratis statutis, & consuetudinibus, etiam immemorabilibus, privilegiis quoque, indultis, & Literis Apostolicis in contrarium praemissorum, quomodolibet, concessis, confirmatis, & innovatis. Quibus omnibus, & singulis illorum tenores, praesentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem, sub Annulo Piscatoris, die 7. Octobris 1656. Pontificatus nostri Anno Secundo.

Dat. die 7. Oct. 1656. An. II.

CXXXII.

Confirmatio Decreti, ut Conversi in Congregatione Camaldulensium non recipiantur.

Ex Regest. in Secret. Breu.

ALEXANDER PAPA VII.

Ad futuram rei memoriam.

§. 1. Exponi Nobis nuper fecit dilectus filius Procurator Generalis Eremitarum Congregationis Camaldulensium quod in ultima Dieta ejusdem Congregationis de mense Junii proxime praeteriti celebrata pro felici dictae Congregationis regimine, maturo tractatu praevio, decretum fuit, ut de caetero Conversi in praedicta Congregatione non recipiantur, sed eorum partes Oblati suppleant.

Supplicatio.

§. 2. Cum autem, sicut eadem expositio subjungebat, dictus Procurator Generalis decretum huiusmodi pro firmiori ejus subsistentia, & observatione Apostolicae confirmationis nostrae patrocinio communiri summopere desideret.

Decretum, sius praedicti confirmat.

§. 3. Nos ipsum Procuratorem Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, decretum praedictum, Apostolica auctoritate, tenore praesentium confirmamus, & approbamus, illique inviolabilis Apostolicae firmitatis robor adiuicimus, ac omnes, & singulos juris, & facti defectus, si qui desuper quomodolibet intervenerint, supplemus.

§. 4. Decernentes easdem praesentes Literas semper firmas validas, & efficaces existere, & fore, ac ab omnibus, ad quos spectat, & pro tempore spectabit, in-

Decretum irritans.

T. vio.